



**"REGIONALNA DEPONIJIA MOŠĆANICA" d.o.o. ZENICA**

Moščanica bb, 72000 Zenica, Bosna i Hercegovina

Tel: 032 / 44 63 60, Fax: 032 / 44 66 34,

www.rdm.ba e-mail: [regdepze@bih.net.ba](mailto:regdepze@bih.net.ba)

Identifikacioni broj: 4218003170004, PDV broj: 218003170004,

Registarski broj: U/I-3232/02 (Kantonalni sud Zenica)

Broj: 02-248/16

Zenica: 26.05.2016.godine

Na osnovu člana 64., stav (1), tačka b) i člana 70., stav (1) i (3) Zakona o javnim nabavkama („Službeni glasnik BiH“, broj 39/14), člana 29. Statuta Privrednog društva "Regionalna deponija Moščanica" d.o.o. Zenica a na preporuku Komisije za javnu nabavku, imenovane Odlukom, broj: 02-197/16 od 25.04.2016. godine u otvorenom postupku javne nabavke *Izbora konsultanta za izradu Idejnog i Glavnog projekta izgradnje druge faze odlagališnih kaseti sa pripadajućom infrastrukturom na Regionalnoj deponiji "Moščanica"*, direktor Privrednog društva "Regionalna deponija Moščanica" d.o.o. Zenica (u daljem tekstu: Ugovorni organ) d o n o s i:

## **ODLUKU**

### **o izboru najpovoljnijeg ponuđača**

#### **Član 1.**

Prihvata se preporuka Komisije za javnu nabavku, broj: 02-247/16 od 26.05.2016.godine i Ugovor o izradi Idejnog i Glavnog projekta izgradnje druge faze odlagališnih kaseti sa pripadajućom infrastrukturom na Regionalnoj deponiji "Moščanica", dodjeljuje se grupi ponuđača "AKSA" i drugi, koju čine firme: Akxa d.o.o. Zenica (predstavnik grupe ponuđača), IPZ Uniprojekt Terra d.o.o. Zagreb, JP za prostorno planiranje i uređenje grada "Zenica" d.o.o. Zenica, JU Univerzitet u Zenici - Mašinski fakultet, Multiteh inženjering d.o.o. Zenica, Zedis d.o.o. Zenica i Winner project d.o.o. Sarajevo na osnovu njihove ponude, broj 09-06/16 od 20.05.2016.godine i to za ponuđenu cijenu od **99.550,00 KM bez PDV-a**, kao najbolje ocijenjenom.

#### **Član 2.**

Prijedlog ugovora dostavit će se na potpis predstavniku grupe ponuđača AKSA d.o.o. Zenica po proteku roka od 15 dana, računajući od dana od kada su svi ponuđači obaviješteni o izboru najpovoljnije ponude.

#### **Član 3.**

Ova odluka objavit će se na web-stranici Ugovornog organa ([www.rdm.ba](http://www.rdm.ba)) istovremeno s upućivanjem primjeraka odluka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

#### **Član 4.**

Ova odluka stupa na snagu danom donošenja, i dostavit će se svim ponuđačima koji su učestvovali u postupku javne nabavke, u skladu sa članom 71. Zakona o javnim nabavkama.

## Obrazloženje

Postupak javne nabavke *Izbora konsultanta za izradu Idejnog i Glavnog projekta izgradnje druge faze odlagališnih kaseta sa pripadajućom infrastrukturom na Regionalnoj deponiji "Mošćanica"* za potrebe Ugovornog organa pokrenut je Odlukom o pokretanju postupka javne nabavke, broj: 02-196/16 od 05.04.2016.godine. Procijenjena vrijednost javne nabavke bez PDV-a je 200.000,00 KM. Javna nabavka je planirana u Planu javnih nabavki za 2016.godinu i evidentirana je u istom pod rednim brojem 4., a Plan je objavljen na web stranici Ugovornog organa ([www.rdm.ba](http://www.rdm.ba)) u skladu sa članom 17. Zakona o javnim nabavkama. Javna nabavka je sprovedena otvorenim postupkom u skladu sa Zakonom o javnim nabavkama. Kriterij za ocjenu ponuda je "najniža cijena" tehnički zadovoljavajuće ponude.

Obavještenje o nabavci, broj: 362-1-2-127-3-4/16 je objavljeno na Portalu javnih nabavki ([www.ejn.gov.ba](http://www.ejn.gov.ba)), dana 25.04.2016.godine, a sažetak Obavještenja o nabavci je objavljen u „Službenom glasniku BiH“, broj 31/16 od 29.04.2016.godine. Također, ispravka Obavještenja o nabavci, broj: 362-1-2-127-8-5/16 od 11.05.2016.godine je objavljena na Portalu javnih nabavki ([www.ejn.gov.ba](http://www.ejn.gov.ba)), a sažetak Obavještenja o nabavci je objavljen u „Službenom glasniku BiH“, broj 35/16 od 13.05.2016.godine.

Komisija za javnu nabavku imenovana je Odlukom direktora Ugovornog organa, broj: 02-197/16 od 25.04.2016.godine.

Dana, 26.05.2016.godine Komisija za javnu nabavku je dostavila Zapisnik o ocjeni ponuda, broj: 02-246/16 od 26.05.2016.godine, u postupku javne nabavke *Izbora konsultanta za izradu Idejnog i Glavnog projekta izgradnje druge faze odlagališnih kaseta sa pripadajućom infrastrukturom na Regionalnoj deponiji "Mošćanica"*.

U Izvještaju (Zapisniku) o radu je utvrđeno da je Komisija u skladu sa Zakonom o javnim nabavkama blagovremeno i pravilno izvršila otvaranje dostavljenih ponuda i njihovu ocjenu, o čemu je sačinila odgovarajući Zapisnik, u kojem je utvrđeno sljedeće:

- da su ukupno dostavljene tri ponude,
- da su blagovremeno zaprimljene tri ponude,
- da nije bilo neblagovremeno zaprimljenih ponuda,
- da su sve ponude prihvatljive odnosno da ispunjavaju formalno - pravne uslove u skladu sa Zakonom o javnim nabavkama i odredbama Tenderske dokumentacije za predmetnu nabavku Ugovornog organa.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te ocjenu prispjelih ponuda u skladu sa Zakonom o javnim nabavkama i kriterijima iz Tenderske dokumentacije.

Uvidom u priloženu dokumentaciju u ponudama, Komisija za nabavku je utvrdila da ponuda, broj 09-06/16 od 20.05.2016.godine grupe ponuđača "AKSA" i drugi, koju čine firme: Akxa d.o.o. Zenica (predstavnik grupe ponuđača), IPZ Uniprojekt Terra d.o.o. Zagreb, JP za prostorno planiranje i uređenje grada "Zenica" d.o.o. Zenica, JU Univerzitet u Zenici - Mašinski fakultet, Multiteh inženjering d.o.o. Zenica, Zedis d.o.o. Zenica i Winner project d.o.o. Sarajevo ispunjava sve formalno - pravne uslove iz Zakona o javnim nabavkama i kriterije Ugovornog organa postavljene u Tenderskoj dokumentaciji, da je ovaj ponuđač ponudio najnižu cijenu ponude te da ista nije veća od procijenjene vrijednosti nabavke Ugovornog organa, pa je stoga ova ponuda ocijenjena kao najpovoljnija.

Uvidom u ponude utvrđeno je da ponude "Grupa ponuđača AKSA i drugi" i "Institut za građevinarstvo "IG" d.o.o. Banja Luka, sadrže dokaze tražene tačkom 37. Tenderske dokumentacije za primjenu preferencijalnog tretmana domaćeg ponuđača te je isti primjenjen kod vrednovanja ponuda.

U tabeli br. 1. je dat pregled ponuđenih cijena za predmetnu nabavku i rangiranje ponuđača po kriteriju "najniža cijena" tehnički zadovoljavajućih ponuda, kako slijedi:

Tabela br. 1.

Rang	Naziv ponuđača	Ponuđena cijena (bez PDV-a) u KM	Umanjenje cijene u svrhu poređenja ponuda primjenom preferencijalnog tretmana domaćeg	Ponuđena cijena (bez PDV-a) nakon primjene preferencijalnog tretmana domaćeg
1	<b>Grupa ponuđača "AKSA" i drugi</b> - Aksa d.o.o. Zenica (Glavni ponuđač), - IPZ Uniprojekt Terra d.o.o. Zagreb, - JP za prostorno planiranje i uređenje grada "Zenica" d.o.o. Zenica, - JU Univerzitet u Zenici - Mašinski fakultet, - Multitech inženjering d.o.o. Zenica, - Zedis d.o.o. Zenica i - Winner project d.o.o. Sarajevo	99.550,00	15 %	84.617,50
2	<b>Institut za građevinarstvo "IG" d.o.o. Banja Luka</b>	112.000,00	15 %	95.200,00
3	<b>"Saraj-inženjering" d.o.o. Sarajevo i drugi</b> - Saraj - inženjering d.o.o. Sarajevo (Glavni ponuđač), - Enova d.o.o. Sarajevo i - RIKO d.o.o. Ljubljana	129.790,00		129.790,00

Nakon izvršene evaluacije ponuda, Komisija za nabavke je dala Preporuku o izboru najpovoljnijeg ponuđača za izradu Idejnog i Glavnog projekta izgradnje druge faze odlagališnih kaseti sa pripadajućom infrastrukturom na Regionalnoj deponiji "Mošćanica", broj: 02-247/16 od 26.05.2016. godine prvoplasiranom ponuđaču na rang listi "Grupa ponuđača AKSA i drugi".

Uzimajući u obzir naprijed navedeno, primjenom člana 64., stav (1), tačka b) Zakona o javnim nabavkama, odlučeno je kao u članu 1. ove odluke.

#### POUKA O PRAVNOM LIJEKU

Protiv ove odluke može se izjaviti žalba Ugovornom organu, najkasnije u roku od 10 (deset) dana od dana prijema Odluke.



Direktor Društva

Zukić Emir, dipl.ing.maš.

Dostaviti:

1x Grupa ponuđača "AKSA" i drugi (predstavniku grupe: Akxa d.o.o. Zenica)

1x Ponuđaču: Institut za građevinarstvo "IG" d.o.o. Banja Luka

1x Grupa ponuđača "Saraj-inženjering" i drugi (predstavniku grupe: Saraj - inženjering d.o.o. Sarajevo)

1x a/a